

Contribuc ai Comuns por l'aredamënt y les atrezadöres (investimënc) por les scolines provinciales

1. Poscibilitè de sostëgn y mosöra dl contribut

Por cumpré l'aredamënt y les atrezadöres pól gní conzedü contribuc de alplü le 70 porcënt dla spëisa autorisada.

2. Indicaziuns sön la domanda

Por fá domanda de contribut él da scrí fora i formulars publicá chiló. Por vigni scolina mëssel gní scrit fora n formular separat. Les demandes de contribut mëss gní sotescrietes digitalmënter y ti mëss gní ortiades vigni ann cina al **1. de forá** ala Ripartiziun 18 Aministraziun scora y cultura ladina ala misciun PEC: repartiziun-scola-cultura-ladina@pec.prov.bz.it. Sce an ne se tègn nia al termin dé dant, ne vëgnel nia tigní cunt dla domanda.

Ala domanda él da injunté:

- ☐ i preventifs dles spëises o na descriziun detaiada dles spëises preodüdes
- ☐ la relaziun tecnica por i proiec globai
- ☐ dessëgnns tecnics sce danman
- ☐ le plann de finanziamënt
- ☐ la planificaziun dla dorada (ma tl caje de spëises d'investimënt de de plü agn)
- ☐ l'arat dé jö dala direziun raionala competënta.

3. Canche i scriëis fora la domanda él da mëte averda a chëstes cosses

Da scrí fora la domanda mësson dé dant sce ara se trata de spëises por investimënc anuai o plurienai colí a n proiet (por ej. pro costruziuns nöies o ampliamënc de costruziuns).

Tl caje de spëises de un n ann él da dé dant l'ann de fornidöra dla marcianzia.

Sce la cumpra se referësc a de plü agn, vëgnel scrit fora la planificaziun dla dorada partida sö por i singui agn, olache al vëgn fat les singoles fornidöres dla marcianzia.

Les fornidöres mëss jí a öna cun la planificaziun dla dorada dada jö.

Chësta spartiziun se respidlëia ince tla motivaziun y tla relaziun tecnica o tl proiet.

4. Codesc CUP

L'articul 11, comesc 1 dla lege 3/2003, y mudaziuns suandëntes (Disposizioni ordinamentali in materia di pubblica amministrazione) vëiga dant che vigni finanziamënt publich o proiet de investimënt publich vëgnes identifiché cun n codesc unich CUP (Codice Univoco Progetto). Le comesc 2-ter vëiga dant che les aministraziun publiches che emët documënc aministratifs, finanziamënc publics o autorisëia la realisaziun de proiec de investimënt public, reportes ti documëc le codesc CUP di proiec autorisà.

La Provincia mëss se lascè dè le codesc CUP dal'istituziun locala che se jova dl finanziamënt publich por le scrì ite tl at de conzesciun dl contribut y de impëgn contabl dla spëisa instëssa.

5. Spëises nia azetades

Aladô dl art. 9 ne vëgn chëstes spëises nia azetades:

- la proietaziun;
- la cumpra de material didatich y da fá la blëita, tan inant che al n'é nia les condiziuns preodüdes dal articul 8, coma 1, lëtra c;
- la cumpra de material de consum;
- la cumpra de jüc da se nainé y tors da fá la blëita,

- la cumpra de finestres y rolos esters, portes, parëis de spartiziuns y implanc sanitaris;
- la cumpra de revestimënc por radiators;
- la cumpra de plantes y sis;
- intervënc da frabiché sciöche laurs de sistemaziun y manutenziun;
- intervënc por l'isolaziun dl sonn y termich;
- reparaziuns;
- laurs da sblancoié;
- la cumpra de cabli y ros y i laurs por i mëte;
- laurs de sistemaziun dl raiun estern;
- implü ne vëgnel nia azeté spëises generiches nia definides.

6. Decunt y licuidaziun dl contribut

- Por i contribuc por les spëises d'investimënt anuales mëssel gní fat le decunt sce ara vá cina la fin dl ann de conzesciun di mesi o alplü tert cina ai 30 de setëmbër dl ann do avëi albü la spëisa.
- Por i contribuc por les spëises de investimënt plurienai mëssel gní fat le decunt en conformité al plann dla dorada dé jö. La presentaziun dl decunt por les singoles fornidöres preodüdes tl plann de dorada mëss porchël gní a se le dé sce ara vá l'ann dla spëisa o alplü tert cina ai 30 de setëmbër dl ann dedò.

Por rajuns zities y motivades pól gní conzedü na prorogaziun cina al ann do. La domanda de prorogaziun mëss gní presentada cina al termin mascim. Do chësc termin vëgn le contribut trat zoruch.

La licuidaziun dl contribut vëgn fata do che al é gnü dé jö na domanda aposta a pert por vigni scolina y al é gnü arjigné ca sciöche al alda le decunt y sotescrit da na porsona cun podëi de sotescriziun.

Le decunt é metü adöm da na lista di documënc de spëisa por na soma de altamo tan co la spëisa ametüda. La lista mëss gní scritta sön le formular arjigné ca dal ofize competënt o aladò de so model y a vigni moda mëssel contigní:

- por les fatures: l'indicaziun dl numer dla fatura, dla data, dla dita y dla soma;
- por i mandac de paiamënt o d'atri documënc che desmostra che al é gnü paié: le numer, la data y la soma.

I documënc de spëisa mëss ti corespogne ala domanda, se referí ales spëises ametüdes por ciagé n contribut y mostré sò na data do chëra dla presentaziun dla domanda de contribut. Sce al vëgn dé jö le decunt final mëss le Comun detlaré che la spëisa ametüda é gnüda dada fora daldöt, che le Comun á la documentaziun che alda lapró y che la documentaziun gnará dada jö sce al vá debojëgn.

Sce la documentaziun de spëisa ne cür nia la soma ametüda daimpröma por ciagé le contribut, vëgnel paié fora na soma smendrida en proporziun a chëra preodüda originariamënter.

Le Comun mëss detlaré da n'avëi nia adoré y da ne adoré nia la documentaziun contabla dada dant tla lista por la licuidaziun de n ater finanziamënt a ciaria di ënc publics.

7. Controi

Al vëgn fat contro i a caje sön le 6% di contribuc conzedüs cina ai 31 de dezëmbër dl ann suandënt a chël dl paiamënt dl contribut. Le control reverda:

- les detlaraziuns sostitutive presentades dala porsona che fej domanda,

- l'esistènza y la regolarité dla documentaziun de spëisa y so lian cun les spëises ametüdes por ciagé n contribut,
- le desfirmënt efetif dla fornidöra dla marcianzia aladô dla domanda,
- la realisaziun efetiva di intervënc por chi che al é gnü conzedü le contribut y sües spëises.